


րիայի Տ. Նախագահողին առաջադրուեց յայտնել Տաճկահայ սովետից Տփլիսի նպաստամատոյց յանձնաժողովին, որ Կովկասեան Տ. Փոխարքան յարգելով ի Տէր Հանգուցեալ Տ. Մատթէոս Բ. Հայրապետի 1910 թուի հոկտեմբերի 25-ի, № 2295 միջնորդութիւնը, 1911 թուի փետրուարի 23-ի, № 3821 դրութեամբ թոյլ է տալիս Տփլիսի նպաստամատոյց Յանձնաժողովին շարունակել մի տարի ևս հանգանակութեան գործը:



ՔԱՂՈՒԱԾՆԵՐ ՍԻՆՕԴԻ ՕՐԱԿԻՐՆԵՐԻՑ

2 Փետրուարի, թ. 85. Սինօդը լսելով Ներքին գործերի պ. Նախարարի 1910 թ. Նոյեմբերի 22-ի № 10792 առաջադրութիւնը որոշեց, շրջաբերական հրամանով պատուիրել բոլոր Կոնսիստորիաներին, որ նախ՝ եթէ ուղղափառ դաւանութիւնից հայ-լուսաւորչական դաւանութիւն անցած մի անձն, որի պսակը, նրա յանցաւորութեան պատճառով լուծուած է ուղղափառ եկեղեցու վճռով, ցանկանում է նորից պսակուել Հայ եկեղեցու ծիսով, ոչ ուղղափառ դաւանութեան անձնաւորութեան հետ, այդ դէպքում՝ նրա առաջին պսակի լուծման մասին կայացած ուղղափառ հոգեւոր Ատեանի վճիռը չէ կարող ծառայել իբրեւ արգելք նրան, իսկոյն և եթ նոր պսակի թոյլտուութիւն տալու վերաբերմամբ, և այդ թոյլտուութիւնը ամբողջովին կախուած է այն կանոններից, որ ընդունուած են Հայ եկեղեցու դաւանութեամբ, և երկրորդ՝ եթէ ուղղափառ եկեղեցու վճռով լուծուած է մի զոյգի պսակ, որոնցից երկուսն էլ պատկանում են այդ եկեղեցուն, այդ դէպքում ամուսնական անհաւատարմութեան մէջ մեղաւոր ճանաչուած անձի համար նշանակուած եկեղեցական ասպաշխարանքը պահում է իւր նշանակութիւնը մինչև այն

ժամանակ, մինչ այդ անձնաւորութիւնը ուղղափառ է. իսկ հայ դաւանութիւն ընդունելու դէպքում նրան որոշած ապաշխարանքը այլ ևս պարտաւորեցուցիչ չէ նրա համար, և այդ անձնաւորութիւնը կարող է ամուսնանալ հայ լուսաւորչականի հետ հայ եկեղեցու ծոցը մտնելուց յետոյ անմիջապէս:

16 Փետրուարի, թ. 115. Սինոդը լսելով կաթողիկոսական Տ. Տեղակալի այս փետրուարի 11-ի, № 1301 առաջագրութիւնը որոշեց. կարգել Բագուի հայոց եկեղեցիների գործակալ Տ. Զուէն վարդապետին Ղարաբաղի Վիճակային Կոնսիստորիայի նախանդամ, որը թեմի առաջնորդ չլինելու պատճառով պէտք է վարէ Կոնսիստորիայի և տեղական հոգևոր դպրանոցի Հոգաբարձութեան նախագահողի պաշտօնը: Այս մասին հրամանագրել Շամախու թեմական առաջնորդին, նշանակելով Բագուի քահանաներից մէկին գործակալ մինչև նոյն պաշտօնի համար վարդապետ կարգելը: Իսկ Ղարաբաղի Կոնսիստորիային հրամանագրել ի գիտութիւն՝ Տ. Զուէն վարդապետին կարգելու մասին:

16 Փետրուարի, № 116. Սինոդը որոշեց. Ամենայն Հայոց Կաթողիկոսի ընտրութիւնը նշանակել այս 1911 թ. Դեկտեմբերի 11-ին, կազմելով սահմանուած ձևով ծանուցողական հրովարտակներ, ուղարկել Ս. Երուսաղէմի և Կ. Պոլսոյ Հայոց Ամենապատիւ Պատրիարքին, Կ. Պոլսոյ ազգային ժողովին, Տանն Կիլիկիոյ Հայոց Վեհաշնորհ Կաթողիկոսին, Ախթամարայ Հայոց Կաթողիկոսական տեղապահին, Ռուսաստանի Հայոց թեմակալ Առաջնորդներին, Տաճկաստանի Հայոց թեմակալ Առաջնորդներին, Ատրպատականի և Պարսկա-Հնդկաստանի Հայոց թեմակալ Առաջնորդներին և ընտրութեան մասին յայտնել Կովկասի պ. Փոխարքային:

7 Փետրուարի, թ. 102. Սինոդը լսեց Աստրախանի Կոնսիստորիայի անցեալ Յունվար ամսի 14-ի, № 21 յայտարարութիւնը, նոյն քաղաքի եկեղեցու Հոգաբարձութեան մասին, որոշեց. թոյլ տալ Աստրախանի Ս. Աստուա-

ծածին եկեղեցու դրամագլխից ծախսել 4000 ռուբլի նոյն եկեղեցու նորոգութեան գործը շարունակելու համար, ծխականների ընդհանուր ժողովի որոշման համաձայն:

11 Փետրուարի, [թ. 110. Սինոդը լսեց Երևանի Կոնսիստորիայի անցեալ 1910 [թ. Օգոստոսի 30-ի, № 6131 յայտարարութիւնը, Նոր-Բայազիտի գաւառի Թուսկիւլի գիւղի համար քահանայ ձեռնադրելու մասին, որոշեց. [թոյլ տալ Երևանի Կոնսիստորիային ընդունել հոգևոր կոչման մէջ Թուսկիւլի գիւղի բնակիչ Բալաբէկ Ղազարեանցին և առաջադրել Երևանի Փոխ-Թեմակալին քահանայ ձեռնադրել նրան յիշեալ գիւղի համար:

11 Փետրուարի, № 111. Սինոդը լսեց Երևանի Կոնսիստորիայի անցեալ 1910 [թ. Մայիսի 26-ի, № 3783 յայտարարութիւնը Նոր-Բայազիտի գաւառի Քեարիմքեանդ գիւղի համար քահանայ ձեռնադրելու մասին, որոշեց. [թոյլ տալ Երևանի Կոնսիստորիային ընդունել հոգևոր կոչման մէջ Քեարիմքեանդ գիւղի բնակիչ Աւետիս Տէր Գէորգեանին և առաջադրել Երևանի Փոխ-Թեմակալին ձեռնադրել նորան քահանայ յիշեալ գիւղի համար: